

LA USC DI LADINS – VENERDI' 12 GIUGNO 2015

Mendranzes s'incunta

Na delegaziun di todësc tla Danimarca s'á informé sön storia y cultura di ladins

Mendranzes - Sciöche an sá, ospiteia Südtirol dl 2016 la Europeada - le campionat de palé dles mendranzes d'Europa. Al campionat tolará pert scuadres desvalies, danter chëstes ince na ladina. Promotur y manajadú dla squadra ladina é Giorgio Costabiei da San Martin, che á albü l'ocajun da s'incunté a Maran cun mëmbri dl "Verein für Deutsche Kulturbeziehungen im Ausland" (VDA) - seziun Nordschleswig. Ara se trata dl'asoziaziun di todësc tla Danimarca, che cumpëda chi 350 mëmbri. Ince la mendranza todëscia dla Danimarca tolará pert l'ater ann ala Europeada, porchël ê chësta na ocajiun da rové adöm danter mendranzes. Costabiei á albü l'ocajun da ti cunté deplü sön storia y cultura di ladins, mo ince da ti

presenté la squadra ladina che sará al campionat. "I mëmbri dl VDA á mostré gran interes por nostes usanzas y nosta storia", dij Costabiei.

Te chësta ocajiun i él gnü surandé tres l'Istitut Ladin Micurá de Rù le liber de Werner Pescosta "Geschichte der Dolomitenladiner".



Giorgio Costabiei (3 dmc) i surandá a Harald Søndergaard - organisadú y mëmbri dl comité VDA le liber sön i ladins.